

鄭開陽雜著

卷十

黃河圖議

明 鄭若曾 撰

鄭開陽雜著

卷十

一

黃河圖



鄭開陽雜著

卷十



黃河 入海 故道  
 汶河  
 蜀山湖 洗河 馬路  
 博平 東河 劉東寨 沙灣  
 東昌 金堤 安平鎮 常邑 徐武功 湖 鄆城  
 南旺 濟寧 西河 嘉祥 鉅野 金鄉 單  
 口場塌 廟道 魚臺 侯家 林堤 頭  
 飛雲橋 溜溝 豐縣 汴  
 夏邑 芒陵城  
 梁濟口  
 衛河至濟寧合 運河直沽入海  
 朝城 黃河 陽谷

東小河  
 北南留薛境 鳥沙城河 山嘴 河河小 溝溝  
 沂河 宅河 三河口  
 白馬河 茅處  
 嘉靖 七年 蘭 木成 年衛 昭陽湖  
 嶧縣 呂梁洪 直河 邳  
 徐州 小浮橋 徐州 靈壁 睢寧 符離  
 宿遷 宿州 宿州 山西波 蟹河 懷遠 鳳陽  
 五河 泗州 桃源 白洋河 小河口 此河日 虹縣分 黃河水 虹縣



鄭開陽雜著


卷十



二十號

鄭開陽雜著


卷十





黃河議

黃河發源星宿海出一巨澤二巨澤數折而至崑崙河  
 勢尚不甚大聞所在土人抱革索騎能過之河上多高  
 山大陵遞相夾抱行入麻哈地其山高峻非常綿亘五  
 百餘里河隨山足東流至積石入中國遶西寧過臨洮  
 其間則有鳴沙嶺又有寧夏山夾之由寧夏流轉達地  
 八百餘里過豐州西受降城過大同路雲內州東勝州  
 與黑河合而南流是即所謂河套也及至靈寶縣河觸



太行山轉轄石其間則有三門七津砥柱又有禹廟在  
或者即禹導山通河處夾岸皆高山而河行山中至沔  
池至孟津至河南府至溫縣岸無山山盡矣其在河南  
府即有北邙山亦僅僅障南岸北殊無山至武陟水則  
有洛河伊河沁河來合河勢始盛大而又有汜水合之  
河益無賴其在河陰雖有廣武山亦僅在南岸北岸  
亦無山俱不能夾束河以故河流至武陟則汎濫亦河  
必然之勢也故洪武二十四年河決原武縣黑陽山東

正統十三年決滎陽衝張秋潰沙灣東隄又決滎澤決  
孫家渡全河為河所從來者高水湍悍難以行平地數  
為敗乃開李景高口支河引水出徐濟洪閔二年復淤  
三十一年河決房邨至曲頭集凡決四處淤四十餘里  
三十二年七月河趨東北段家曰則分六股為大溜溝  
小溜溝秦溝濁河胭脂溝飛雲橋皆由運河至徐入洪  
又分一股由碭山堅城集下郭貫樓散五小股為龍溝  
母河梁樓溝胡店溝亦從小浮橋入洪三十八年以後



河由數溝中行其勢分故所在無淤塞之患嗣是決於何處正未可定夫河由茶城而上以無山夾東故多潰決由茶城而下南岸始有洞山九里山雲龍山北岸則有子房山夾河入徐故徐州獨無潰決但有泛漲以兩山夾輔之力也河出徐州過清涼寺其在南岸雖有半戈山羊山當之北岸復無山故河不能觸南岸直此趨下衝為距山連注蘆塘落馬黃整周湖柳湖諸湖湖皆在邳境故邳州往往受其害河善泛亦以北岸無山夾

東故也邳州由落馬湖至水晶湖中間湖凡九由水晶湖至清河甚近過清河則淮水會河之路河淮合而下雲梯關入大海河淮之事畢矣夫河之初出潼關入河南也數數為地方患所在地方亦往往以塞決殺流築隄壩建閘帚為事河務具備故隄上自木欒店下止廟道口蜿蜒千數百里屈曲重複蓋有見河勢洶湧故從平地築隄用隄助岸以夾河防其暴漲又以河水橫衝敗岸則用捲帚以當其衝又自築隄外仍置閘減水以

殺其勢以為決口不塞則內地淤急流不殺則泛愈急是隄帚自不得不為之所也及隄之又不能遏帚之又不能殺決者自決衝者自衝於是當事者又以隄帚無益於衝決將欲舍隄帚不用而議開支河矣議復老黃河故道矣議開新河濟運舍黃河而不由矣議開膠萊河通復海運矣其議亦可謂衆多其慮亦可謂周悉矣議開支河者謂黃河入淮之道舊有三一自中牟至荆山合長淮之水曰渦河一自開封府經葛岡小壩丁家

道口馬牧集鴛鴦口至徐州出小浮橋曰汴河一自小壩經歸德城南飲馬池至文家集經夏邑至宿遷日白河弘治間黃河變遷渦河白河二道於塞全河東下故徐邳獨受其害今若復引水通渦河白河則水勢自分河不獨為徐邳害矣議復老黃河故道者在徐州以上欲自河陰原武懷孟之間審視地形引河水注於衛河至於臨清天津不惟徐邳水勢可殺其半而京師亦可助其形勢也如冬春水平漕舟則由江入淮汴流至於

河陰順流至於衛河沿臨清而至天津如夏秋水迅則仍由徐沛達於臨清至於天津是一舉而得兩運道矣在徐州以下謂清河縣之大津口即老黃河故道也其小清口即今淮水所出之清口也欲議復七十里故道後又慮魚溝鐵線溝葉家口陰陽口地勢卑窪諸決之水漫流至此築隄鉅費且恐難保故其說旋議而旋罷其議開新河者議欲自泇口鎮鑿新河以通運避黃河之險河自馬家橋至直河出口計二百三十餘里其說

復旋議而旋罷其欲自徐州子房山梁山至馬家橋上下開新河八十里置舊河於隄外使黃河出口之地並不相及呂梁徐州二洪之險並可遠避一議也其欲自昭陽湖東起汪家口直抵留城一百四十餘里開河入運一議也其欲開膠萊河通復海運者出自嘉靖丙申山東副使王公憲之議河之南口起麻灣北口至海倉中間相距三百三十五里兩口舊皆貯潮水常足不假濬者二百餘里濬者一百三十餘里疏濬之內有分水



可慮者西北之供億仰給於東南東南之飛輓全賴於  
漕河漕河自王家閘以北至德州千有餘里乃國家命  
脈所係匪眇萬一決壞百萬漕糧將安輓之愚謂膠萊  
河之說及今行之可也往歲議罷者以分水嶺三十里  
阻塞人力難施山東巡撫病其煩勞而止惜小而害大  
計貪目前之安而忘久遠之圖弗思甚矣誠格衆議而  
奮然行之河成設重兵屯守膠萊海次屹然為一巨鎮  
專意衛漕防海寇為務則河通漕便歲可省金錢百餘  
萬議亦世無窮之利也今日為東南邊防計所宜備海  
為國家根本計所宜備運愚故并論及之司國計者深  
慮而熟籌之可也